



COMUNE DE PÀDRIA

DELIBERATZIONE DE SA GIUNTA COMUNALE N. 13 DE SU 13/02/2023

OGETU: Adesione a su comitadu nazionale promotore de s'initiativa "2023 ANNU DE SU TURISMU DE TORRADA. A S'ISCOBERTA DE SAS ORÌGINES";

S'annu duamìgia e bintitres sa die tràighi de su mese de Freàrgiu a sas 11,40, in s'UFÌTZIU DE SU SÌNDIGU, acumpridas chi siant sas formalidades prevididas dae sa Lege de s'Istadu e dae s'Istatutu, s'est reunida sa Giunta Comunale sutu de sa presidèntzia de su SÌNDIGU DUT. MURA ALESSANDRO.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DUT. MURA ALESSANDRO	EMMO
VITZESÌNDIGU	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO
ASSESSORE	PIRAS ANGELO	EMMO

Presentes n° 4 Ausentes n° 0

Partètzipat su SEGRETÀRIU COMUNALE DUT. RIU FRANCESCO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e deccarat aberta sa setziada pro trattare s'ogetu mentovadu in subra.

SA GIUNTA COMUNALE

PREMÌTIDU chi custa Amministratzione Comunale at tra sas prioridades pròpias s'acumprida de progetos culturales e turìsticos finalizados a sa connoschèntzia, amparu e valorizatzione e promotzione de su patrimòniu materiale e non de su logu;

CONSIDERADU chi dae unos cantos deghennios est difusa in su mundu una forma noa de turismu, su gasi definidu turismu de sas raighinas o de torrada, chi a s'ispissa est cunsideradu un'istumentu pro promovere una destinatzione turìstica. Custa casta de turismu, chi est parte integrante de su turismu culturale, est giamadu puru turismu genealògicu, ca si riferit pro su prus a sos discendentes de emigrados chi, torrende a campu sa genia issoro, connoschent s'istòria de sos antepassados pròpios puru pro iscobèrrere formas noas de cultura, costumàntzias ligadas a s'artisanadu e a s'enogastronòmia de cussos logos;

RECONNOTU chi, cunforma a un'istùdiu ammaniadu dae s'ENIT - Agèntzia Natzionale de su Turismu in su 2018, su turismu de torrada in Itàlia est semper in crèschida. In teoria sa gente interessada a custu turismu "de torrada" o de sas "origines", cussu ingendradu dae sos italianos chi istant in s'èstero o dae sos discentes issoro, est che pare a prus o mancu 80 milliones de pessones. Su volume de afàrios relativu a custa parte de turismu solu dae su continente Americanu est prus o mancu 650 milliones de èuros, pro unu totale de 670.000 arrivos a s'annu in Itàlia. Dae istùdios reghentes, sos mercados prus interessados dae custa casta de turismu sunt costituitos dae su Brasile, in ue risiedint 25 milliones de pessones de orìgine italiana, Argentina (20 milliones) e USA (17 milliones), sighidos dae Frantza, Isvìtzera, Germània e Austràlia;

CONSIDERADU chi sas potenzialidades enormes de su turismu de sas raighinas podent contribuire a sa valorizatzione e a s'isvilupu territoriale, mescamente de cussas àreas internas de su Paisu chi non sunt interessadas dae movimenti turìsticos mannos. Sos itineràrios ammaniados peri su percursu de sas istòrias subra de logos e pessones interessant puru àteros fatores chi dislindant su logu visitadu, comente sa cultura, enogastronomia, artisanadu locale, mùsica popolare, chi cumpletant prus sa vacàntzia e l'adatant a sas esigèntzias de su viaggiadore;

VALUTADA s'oportunidade de intrare a fàghere parte de su Comitadu Promotore de su progetu "2023 Annu de su Turismu de Torrada: A s'iscoberta de sas orìgines", informende chi su progetu est indiritzadu a sos connatzionales nostros residentes in s'èstero e a sos prus de 70 milliones de connatzionales de 2°, 3° e 4° generatzione chi istant in s'èstero e previdit, in Itàlia, 13 meses de organizatzione e 10 meses de operatividade (dae martzu de su 2023 a nadale de su 2023), durante sos cales ant a èssere organizados eventos, sagras, workshop, missiones econòmicas, cunfrontos e dibatitos;

CONSIDERADU chi sa punna de su progetu "2023 Annu de su Turismu de Torrada: "A s'iscoberta de sas orìgines" est invitare sos connatzionales residentes in s'èstero a bènnere in Itàlia favoessende su turismu, in particolare su turismu de Torrada, su turismu de sas Raighinas e su turismu esperientziale. Su progetu est finalizadu, puru, a sa realizatzione de missiones èsteras e addòbios de afàrios pro intzentivare sos connatzionales nostros a s'èstero a investire in Itàlia, cun atenzione particolare a favorèssere sos investimenti in sas Regiones e in sos Burgos da in ue sunt partidos sos antepassados issoro pro torrare a àere unu ligàmene cun sos territòrios a manera sighida e chi duret. In fines, su progetu punnat a fàghere ativare sos raportos tra sas impresas nostras e sas impresas de sos connatzionales chi òperant in s'èstero pro dare vida umpare a enèrgias capatzes de inghitzare collaboratziones sighidas, *join venture*, atividades de internalizatzione;

CONSIDERADU chi famìllias medas originàrias de sa comunidade nostra istant in s'èstero, non solu in Euròpa ma puru in Amèrica, e chi su turismu de sas raighinas diat pòdere èssere puru pro

custu Comune un'istrumentu de valorizazione e de crèschida culturale e econòmica ca sas punnas printzipales de su progetu sunt tra sos obietivos e cosas prus importantes de custa Amministratzione Comunale;

RECONNOTU chi s'adesione a su comitadu natzionale promotore de s'initiativa "2023 ANNU DE SU TURISMU DE TORRADA. A S'ISCOBERTA DE SAS ORÌGINES" non cajonat perunu ònere finanziàriu dae parte de sos entes chi aderint, chi s'impinnant a fàghere connòschere s'initiativa, a dare vida tra martzu de su 2023 e nadale de su 2023 una o prus iniciativas chi favoessant iscàmbios cummertziales, *workshop* e eventos cun sos turistas chi torrant e sos italianos in su mundu, chi ant a èssere cumbidados a bènnere in Itàlia in su 2023, Annu de su Turismu de Torrada;

RITÈNNIDU, duncas, oportunu aderire a su comitadu natzionale promotore de s'initiativa "2023 ANNU DE SU TURISMU DE TORRADA. A S'ISCOBERTA DE SAS ORÌGINES";

CONSIDERADU CHI:

- su Comune est interessadu a sghire puru su programma de sos chimbe annos "Torro in Itàlia 2023-2028", programma articuladu chi in sos mese imbenientes at a identificare linias programmàticas subra de sas cales operare in rete cun totu sos Comunes e sas organizziones chi ant giai aderidu a su Comitadu Natzionale 2023 Annu de su Turismu de Torrada;

- Padria, cumpartzende su progetu "Torro in Itàlia" e averiguadu chi est unu progetu chi movet dae bàsciu, considerende·lu istratègicu pro s'isvilupu de sas àreas internas e de sas terras dae in ue est partida s'emigratzione, pedit de pòdere collaborare a pònnere in òpera su progetu in àmbitu locale;

- Rete Destinazione Sud cuntratu de rete e Rete Destinazione Sud S.r.l., cun sede legale in carrera Trento 64, Salerno, ant ammaniadu unu progetu istratègicu de sivilupu de importu natzionale fundadu subra de su cullegamentu e s'afortiada de sos raportos cun sos italianos in su mundu comente ispinta pro s'isvilupu turisticu, econòmicu e culturale de sos Comunes minores e de sos burgos chi sunt postos pro su prus in as àreas internas. Custu progetu dae su tìtulu "Torro in Itàlia" est istadu istruturadu cun una prima programmatzione de chimbe annos chi at comente annu de inghitzu su 2023 e chi s'at a congruire in su 2028. A intro de sa programmatzione "Torro in Itàlia 2023-2028" sa Rete at ammaniadu su primu progetu dae su Tìtulu: "2023 Annu de su Turismu de Torrada, a s'iscoberta de sas Orìgines";

- Su Comune de Pàdria est interessadu a costruire cun sa Rete s'organizazione Provintziale, Regionale e Natzionale chi at a coordinare sas atividades de su progetu "2023 Annu de su Turismu de Torrada" e de su programma Torro in Itàlia 2023-2028";

- sa Rete pro sustènnere su progetu at costituitu unu Comitadu Promotore Natzionale e Internatzionale chi contat giai prus o mancu 1000 Istituziones, tra sas cales 500 Comunes, a fora de Fundatziones, Assòtzios Natzionales, Comunitàdes montanas, Pro Loco, Consòrtzios, Retes de impresa, Gal, Parcos, Distretos turisticos, *Network*, Sotziedades de isvilupu regionales, Assòtzios e Fundatziones de sos Italianos in su Mundu;

- a su Comitadu Promotore ant aderidu tra sos àteros: UNCEM (natzionale), UNPLI (natzionale), Burgos prus bellos de Itàlia (natzionale), Burgos autènticos de Itàlia (natzionale), Paisos Bandera in colore de Arantzu (natzionale), sos Parcos Literàrios (natzionale), sos Distretos Turìsticos (natzionale), Grupu Imprenta Turistica(natzionale);

- pro partetzipare a su programma mentovadu est netzessàriu ammaniare unu Protocolu de Intesa cun Rete Destinazione Sud cuntratu de rete e Rete Destinazione Sud S.r.l., cun sede legale in

carrera Trento 64, Salerno, cunforma a s'ischema chi, puru si no est allegadu a custa, nde costituit parte integrante e sustanziale;

RECONNOTU chi sa sutascritzione de su Protocolu de Intesa non cajonat peruna ispesa a càrrigu de su bilàntziu comunale;

AVERIGUADA sa cumpetèntzia pròpia in òrdine a s'adotzione de custu provedimentu, cunforma e pro sos efetos de s'art. 48 de su D.Lgs n.267/2000;

ACHISIDU su parre a favore in òrdine a sa regularidade tècnica, espressadu dae su Segretàriu Comunale cunforma a s'art. 49, comma 1, de su d.lgs. 18.8.2000 n. 267;

RECONNOTU chi, cunforma a su art. 49, comma 1 mentovadu in antis, no est netzessàriu achisire su parre contàbile ca s'atu non cajonat cunseghèntzias deretas o non subra de sa situatzione econòmicu finantzària o subra de su patrimoniu de s'ente;

Cun votazione a favore e totu de acordu

DELÌBERAT

Sas premissas sunt parte integrante e sustanziale de custa deliberatzione e nde costituit motivatzione cunforma a s'art. 3 de sa lege n. 241/1990;

De aderire a su Comitadu Natzionale Promotore de s'iniziativa "2023 Annu de su Turismu de Torrada, a s'iscoberta de sas Orìgines";

De approvare s'ischema de protocolu de Intesa in ispetzificadu in premissa, chi puru si no est allegadu a custa deliberatzione, nde costituit parte integrante sustanziale;

De autorizare su Sìndigu a sa sutascritzione de sa lìtera de adesione e de su protocolu de Intesa, comente dae modellos chi puru si non sunt allegados a custa deliberatzione, nde costituit parte integrante sustanziale;

De reconnòschere chi s'adesione a su Comitadu e sa sutascritzione de su Protocolu de Intesa non cajonant peruna ispesa a càrrigu de su bilàntziu comunale;

De trasmettere còpia de custu provedimentu a su Responsàbile de su servìtziu interessadu, pro sos provedimentos netzessàrios e chi nde consighint;

De declarare custu atu, cun àtera votazione otu de acordu, espressada pro artziada de manu, luego esecutàbile cunforma a s'art.134, co. 4, de su d.lgs. n. 267/2000.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **DUT. RIU FRANCESCO** in data **06/02/2023** at espressadu parre a **FAVORE**

Su SÌNDIGU
DUT. MURA ALESSANDRO

Su SEGRETÀRIU COMUNALE
DUT. RIU FRANCESCO

NOTA DE PUBLICATZIONE N. 103

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT.RIU FRANCESCO** atestat chi in data 13/02/2023 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia